



## Vita de ploania y de paisc

- **La zelebraziun eucaristica dla domegna:** dal tomp dai apostui encá s'abina i cristians le pröm de dal'edema ala zelebraziun d'l'Eucaristia de chera ch'ai ne sciafia nia da fá a manco. La zelebraziun d'l'Eucaristia é le momont plü alt de döta l'aziun liturgica y porchel aldera pa la domegna. Te nosta ploania anse la fortüna da avei ciamó vigne domegna na gran messa olá che i zelebrun la mister de nosta fede, al é le past dla comunité cristiana olá ch'i aldiun la Parora de Dio y ciafun Gejú tal pan eucaristich. Cösta é na gran scincunda y porchel orunse reingrazié se tolenn ince döt le tomp da tó pert y da fá empara con fede, ligreza y partezipaziun ativa.
- **Salm de resposta:** i recordun che sc'al ven motü sön la plata le salm con notes ó cösc dí ch'al gnará cianté dla gran messa. Al é porchel en envit da cianté empara.
- **Joneza:** la joneza d'La Pli organiseia eniann endô le torneo de calcio dles uniuns d'La Pli. Ai 2 de iuli, ales 19:00 ete dal ciamp dal sport "Ciamaor" esera tan ennant. Da se prenoté él cina ai 26 de jügn pa Anita al ☎ 377 3431379 (con i ennomms de düc i membri dla uniu co tól pert). Le cost de iscriziun é de 40,00 € por uniu. Al gnará ince dé fora da mangé y da bere. S'aspetun en trec - plü ch'i sun y plü bel che al é!
- **OCIO:** le Comun de Mareo deida recordé che dai 20 de jügn cina ai 1 de iuli ven la strada provinciala SP 39, tal zenter abité d'La Pli dal km 1+500 al km 1+730 (Somür - Stifler) slüta dales 07:30 ales 17:30 (dal lõnesc al vendres), por l'esecuziun de laurs da ciaé por meter jö la rei dla fira otica, aladò d'ordinanza n. 32/2022

1

## Enformaziuns y termins

**KVW Senioreclub:** en dedemesaledema ai 22 de jügn piunse ia con le Mareobus ales 9:17 dal Cone demez por jí a Bornech i jí a pe sön la Kaiserwarte, saurí da jí, ca 50 minuc. Da se tó do val da bere i en panino.

**La Crusc Blanca da Al Plan** envieia düc i interessés ai 1 de messé ales 20:00, tal salf dla Cassa Raiffeisen a Al Plan, a na sera de enformaziun sora le laur dai voluntars pa la Crusc Blanca te vigne setur. Al se fajess der plajei da Ves odei tröc. Ví ince tö, tolete n/na cumpagn/a empara y diventede voluntars.

**La Val - Dlijia Vedla:** en domegna, ai 26 de jügn él ales 16:00 a La Val, Dlijia Vedla, la inauguraziun y benedisciun dal labirint con l'espert Gernot Candolini y signor degan laco Willeit. La festa ven abelida da n trio de archech y da n picio teater. Düc é der bel enviés, ince sce al é bor tomp!

**Jí a Munt:** en sabeda ai 25 de jügn ván a munt sön Fojedöra y Sennes.

<b>Döt le bun a:</b>	Irma Iuliana Trebo, <i>Al Plan</i>	* 19.06.1942
	Eduard Erlacher, <i>Al Plan</i>	* 19.06.1942
	Lois Maneschg, <i>Bornech</i>	* 20.06.1942
	Anna Ellecosta Orru, <i>Maran</i>	* 22.06.1937
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 347 2310129 o ✉ ploania@gmx.net  
**Download plata:** www.unitepastorala.org



# Plata dla Ploania

## La Pli de Mareo

### Santa Maria dal Bun Consei

Ploian: Signor Klaus Sottsas  
 ✉ klsottsas@rolmail.net

Calogna Al Plan: ☎ 0474 501006  
 Radio de Ploania: 93,00 MhZ

UNITÉ PASTORALA



VAL BADIA  
 www.unitepastorala.org

Ann C

19.06.2022 - GRAN FESTA D'LES ANTLÉS

n. 30

Gejú - jú Crist, tö es preo por da-  
 gno - ra, Re, Si - gnur, a man -  
 der - ta de Dio Pe - re.


📖 Gen 14, 18–20 | 1 Cor 11, 23–26 | Lc 9, 11b–17

### Dal Vangelo do San Lúca:

Te chel tomp <sup>11b</sup>ti cuntá Gejú al popul dal regn de Dio y varia düc chi co â debojügn de so aiüt. <sup>12</sup>Canche le dé jea a fin, él gnü i dodesc da d'el y á dit: Orceia demez la jont, ch'ai vai tai paisc y tai lüsc enceria, y ciafi danló alberch y val' da mangé; deache atló sunse te n post desman. <sup>13</sup>Al á respognü: Dedi os val' da mangé! Ai á dit: I n'án nia, ater co cin' pans y dui pesc; i messasson eniade jí nos enstesc a ti cumpré da mangé a döta cösta jont. <sup>14</sup>Al ea encer cin' mile ei. Al ti á respognü a sù discepu: Dijedi, ch'ai dess se sonté adöm te gröms da cincanta. <sup>15</sup>I discepu á fat ci ch'al ti á dit, y á ciaré che düc se sontass. <sup>16</sup>Gejú deperpo á tut i cin' pans y i dui pesc, á ciaré sö a ci, i á benedi y i á rot jö; spo ti ai ál dé ai discepu, ch'ai i partiss fora ala jont. <sup>17</sup>Y düc á mangé y é gnüs pasciüs. Do ch'an â albü coü adöm i toc de pan avanzés, n'él dodesc cesé.

**I ponsun do:** La comunité dal past con Chel Bel Dio y danter nos s'oblieia a sorantó responsabilité. Dan nosta porta él trepes porsones co se döra fan; ince eres o tó pert ai bens de cösta tera y ai bens d'amizizia y d'afet. Vigne zelebraziun d'l'Eucaristia dess se recordé nostes responsabilités por cöstes porsones.

**I periu:** Bel Dio, i te reingraziun por la scincunda d'l'Eucaristia. Deidesse reconesce l'enciaria che vigne zelebraziun d'l'Eucaristia se da. Por Gejú Crist, nosc Signur.  
 Vesco Wilhelm Egger "Sonntagsbibel"



📖 Letöres dla gran festa dal Cör de Gejú:  
 Ez 34, 11–16 | Rom 5, 5b–11 | Lc 15, 3–7

## Edema liturgica dai 19.06. ai 26.06.2022

<b>DOM 19.</b>	<b>GRAN FESTA D'LES ANTLÉS - CORPUS DOMINI</b>	<i>Romuald, Elisabeth, Iuliana oferta por la ploania</i>
<b>08:30</b>	<b>gran messa</b> por dōta la ploania <i>♪ M. Haydn, Missa brevis a tre voci</i> <b>s.m.</b> d'aniversar por † signor Merch Graffonara, ploan <b>s.m.</b> de rengraziamont dles families dal Flô	
<b>→ 14:00</b>	<b>espi da festa y prozesciun eucaristica</b> con 2 vangeli fora Brach	
<b>Lön 20.</b> 18:00	<i>Adalbert, Margareta</i> <i>s.m. a Al Plan</i>	
<b>Ded 21.</b> 07:30	<i>Alvije (Lovije) da Gonzaga, Alban</i> <b>s.m.</b> por †† Florian, Stase y Nese Terza, André <b>s.m.</b> por vis y †† Rovara d'Aroth	
<b>Dem 22.</b>	<i>Paulin, John Fisher y Thomas Morus, Christina, Wilhelm</i>	
<b>Jöb 23.</b>	<b>GRAN FESTA DAL NADÉ DE SAN JAN LE BACIADÚ</b>	
<b>19:30</b>	<b>s.m.</b> por † Maria Rindler ved. Daverda, Corterei <b>s.m.</b> por † Sr. Maria Rosalia Daverda, Jerghele/Verona <b>s.m.</b> por †† Sr. Arcangela, Maria y Vigile Comploi, Mōra <b>s.m.</b> por † Monica Peslalz Rubbú, Tlea/Genova	
<b>Ven 24.</b> → 19:30	<i>Sacher Cör de Gejú   Ivan</i> <b>oraziun da Taizé</b>	
<b>Sab 25.</b> 07:30 18:00	<i>memoria dal Cör zonza macia de Maria   Wilhelm, Eleonora, Dorothea</i> <b>s.m.</b> en onú de Santa Maria y Sant'Ojep por na porsona amarada <b>s.m.</b> por vis y †† Erlacher de Berto da Frena <i>s.m. prefestia a Al Plan</i>	
<b>DOM 26.</b>	<b>GRAN FESTA DAL CÖR DE GEJÚ</b>	<i>Vigile da Tront, Jan y Paul</i>
<b>08:30</b> →	<b>gran messa</b> en onú dal Cör de Gejú por dōta la ploania <b>s.m.</b> por la fam. Berto y Patrizia Kastlunger <i>oferta "Obolo de San Pire"</i> <b>ores d'adoraziun:</b> do messa cina les 10:30 Curt, dales 10:30 ales 11:30 La Pli y Pliscia	
<b>→ 14:00</b> 10:00	<b>espi da festa y prozesciun eucaristica</b> con 2 vangeli fora Brach <i>s.m. a Al Plan</i>	
<i>ampola:</i>	do entenziun de na familia	
<i>ministronc:</i>	• <b>dedolönesc y sabeda:</b> Damian y Judith • <b>jöbia y domegna:</b> Andreas y Elias	

## Fajede cösc te mio recort

Gejú, le Signur, á tut, en che net ch'al é gnü embaní, pan, <sup>24</sup>á dit l'oraziun de rengraziamont, á rot jö le pan y á dit: Cösc é mio corp co ven dé ca por os. Fajede cösc te mio recort! <sup>25</sup>Ensciö ál ince tut do past le caresc y á dit: Cösc caresc é l'alianza nea te mio sanch. Fajede cösc, vigne iade ch'i boeis d'enfora, te mio recort! <sup>26</sup>Deache tan gonot ch'i mangeis de cösc pan y ch'i boeis fora de cösc caresc, encundeise la mort dal Signur cina ch'al ven. (1 Corincé 11, 23–26)

## Iolan Gejú, che te m'es gnü adancuntra


I t'encunti vigne iade con na gran ligreza.  
Tö es le pan y la fontana dla vita.  
Con töa vita y töes parores  
nes mostreste la bunté dal Pere tal ci.

To Spirit ó fá verde te nos le fú de to amur.  
Vái ince adancuntra a chi co  
n'alda nia to invit,  
a chi co se stonta da gní pormez  
a töa mesa,  
a chi co vir dalunc da te  
y ne te conesc nia.

Scinchi ala comunité atló abinada  
fede, speranza y amur, pesc y sanité.  
Gejú, i sa ch'i pó ince t'encunté  
tai compagns y tles porsones  
encer me ia.  
Porchel oressi ti orei bun a vignönn  
y respeté y daidé chi co á debojügn.

Romagn amesa nos, Gejú,  
vigne momont de nosta vita.

Amen.



**L'Eucaristia è la mia autostrada per il Cielo!**

*beato Carlo Acutis, 31.05.1991 – 12.10.2006*